

NOUT VOIX, NOUT L'AVENIR

PROGRAM AN KRÉOL

LÉDUKASION

1 tati dann shak klass
matèrnèl
Zéfè lékol pa shèr

SÉKIRITÉ

Nou doub le nomb la polis
munisipal po in vré travay
dann la populasiyon

TRANSPOR

1 kar toute lé kinz minut
dopi la « La Plaine des
Cafres ziska Centre Ville »

KILTIR

Pass kiltir inn ti moné
po lo bann marmay dèk
zot i komans lékol

DÉMOKRASI

1 kartié
1 budjé
1 kaz po lo kartié

A close-up portrait of a man with short dark hair and a light beard, wearing a light grey suit jacket over a white shirt. He is looking slightly to the left with a gentle smile. The background is blurred, showing other people in a social setting.

EDITO

PAR ALEXIS CHAUSSALET

Dann nout lékip, nou la antandu le mèm zafèr : **nou na asé èk promès zèlèksion, nou ve pu sharjèr d'lo**. Nou ske nou ve sé avwar in kontak dirèk èk la populasion.

Nout pwinvisé lé nèv, i fo nou arèt èk lidé ke rienk dann 6 zan nou retrouv azot. Nou **koné ke toute Tamponnais lé gabyé dévlop par zot mèm nout komunn**.

Dokuman la ke nou amontr azot **i sort dann bann ronnn kozé sitoyien : Kèl lavnir po lo Tampon 2026 ? »** ke nou la komansé an Mé 2024. Nou propoz azot isi in **versyon kourt**.

Nou ve pa drès devan zot inn list kom bann sharjèr d'lo i fré, sopoman sèk nou ve sé **poz bann baz solid èk zangajman** konkré pou konstwir ansanm in vré kozé politik pou lavnir Tampon.

Nout priorité sé damène inn ote politik, sé donn lo bann sitoyin lo pouvwar.

Dèk nou bèk la klé la méri, n'a in takon zafèr i sar shanjé ! Sèk nou ve, sé lo bann konsey munisipo transparan, é démokratik, fé désann lo salèr lo mèr, arèt ramas lo bann manda inn dèrièr lot, organiz in référindom lokal...

MÉ NA DOTR PWINVISÉ KE LÉ INPORTAN OSI :

- Batay pou pa lès nout bann gramoun tou sèl
- Dévelop in vré politik kiltirèl
- Mèt an promié lédukasyon
- Mèt an lèr nout bann zagrikiltèr èk zot prodiksion lokal
- Fé an sort nout bann zèn i san azot lib
- Fé bouj laktivité ékonomik
- Po viv ankèr in dévlopman « solaire et écologique »
- Arèt èk « clientélisme » é lo bann présyon polititik
- Rèt in plas ousa out bann drwa lé respékté pou toute domoun
- La sékurité po toute domoun an avan
- « Construire une mobilité durable et d'avenir »
- Mèt an lèr lo sport démokratik é ankèr
- Arèt donn la moné lo bann zélu pou zot partisipasyon ou zot « présidence » dann bann « satellites de la collectivité »

Sak nou ve sé lès in joli lidé de la politik, é pou sa nou na 3 pwindvisés sé : ètr touzour koté zot, di azot toute, la solidarité

Nou arèt èk bann « délégués du maire ». Sèk nou ve sé ke toute domoun i gingn nir bann konzey la komine é ke zot i san azot angagé dann zot bann kartié. Nout promié langajman lé klèr : rouv é dévlop 30 kaz 2 kartié dann lo bann 30 kartiés Lo Tampon.

KOSA NOU VA GINGN FE DANN SO BANN ZESPAS ?

- Nou va gingn partaj in parti d'kart, in loto kine ou sinonsa in gazon d'ri ansamn
- Domoun va gingn nir èd anou pou fé nout bann papié é pèrmét anou konprann nout drwa
- Vwar pli souvan nout bann zélu dann nout kartié pou gingn koz èk li
- In konsey dann shak kartié ousa zot va gingn désid lo bann projé ke zot i
- ve pou zot kartié

Si mi angaj amwin zordi pou lavnir lo Tampon, sé pa parke mi ve i mèt amwin an lèr. Sé parske èk lo bann moun la list « Nout voix nout L'avenir » nou pans kin notr manière fé lé posib : in méyèr lavnir, èk plis la jistis èk la solidarité pou lo Tampon domin.

Alexis Chaussalet
Candidat à la mairie du Tampon.





Nout lambision : Ardonn lo pouvwat lo bann sitoyin, réfè in démokrasi lokal èk in vré partisipasyon dirèk.

SAK NOU VE FE :

MÈT AN PLAS IN « RÉFÉRENDUM D'INITIATIVE LOCALE AVEC UN RÉFÉRENDUM D'INITIATIVE CITOYENNE »

- Nou sar mèt an plas in référindom po toute bann nouvo projé.
- Parey, si néna sujé i konsèn toute lo Tampon é ke néna o mwin 5 000 sitoyin Tamponnais ka la sign lo pétision, ben nou angaj anou pou koz dési sa é mèm fé in référindom munisipal.

ORGANIZ LO BANN KONSEY MUNISIPO INN OTR MANIÈR :

- Vèy dann télé an dirèk
- In vré tan, ousa demoun i gingn di si zot lé pa dakor
- Mé osi in tan po lo bann késtiyon ke lo bann sitoyin i poz azot.
- In plas pou la parol nout bann marmay dann in konsey munisipal.

ANKADRE LA PAYE LO MÈR ÈK LO BANN ZADJWIN :

- Dann la méri, nora pwin dékar supèrièr 3 pou 1 antr lo mèr é lo lazan ki gingn mwin pou in tan plin.

AMONTR AZOT TOUTE, MÉ KOMAN I FÉ ? :

- Lazinda lo mèr sra piblik.
- Asé èk lo bann kado lo bann zantropiz privé, asé èk lo bann manjé koshon.



2.

MÈT AN LÈR LAGRIKILTIR PÉI !

Mèm si nou la pwin la konpétans po sa, la komunn èk son lékip munisipal i sar ténir la min lo ban zagrikiltèr po èd azot dann zot travay, pou mèt an lèr lo bann sirkwi kour èk in lagrikiltir tradisionèl.

SAK NOU VE FE :

KRÉ IN KOPÉRATIV ÈK IN LINTÉRÉ KOLÈKTIF, MÉ POUKWÉ ?

- Pou ke lo bann zagrikiltèr Tamponnais i gingn fourni lo bann lékol lakomine.
- Pou organiz **ban ti ginn marshé** èk bann prodiktèr dann toute kartié. Se bann zinitiyav sra soutenu par in moné ke la méri va donn azot. Sèk nou ve, sé ke lo bann zagrikiltèr lé mié payé é nou vé osi ankouraj in pri pli bapou lo bann konsomatèr
- Mèt ansanm la moné nou néna po èd lo bann zagrikiltèr fé zot bann papié, rann pli fasil le stokaj èk la transformasion zot prodiksyon.

É MANIÈR, LO BANN ZAGRIKILTÈR ÈK ZAGRIKILTRIS I GINGN ITILIZ BANN TÉRIN AN FRISH

- Sèk nou ve, sé **èd lo bann zènn zagrikiltèr instal azot**



3.

POU IN DÉPLASMAN PLI PRATIK É PLI NÈV !

Dann Tampon néna in takon demoun i rèst, néna plis de 80 000 demoun. Sopoman, sèk nou vwa sé ke na pwinn solusion pou ke toute se moune la i gingn déplasé fasilman. I fo nou trouv in manière pou mèt lo frin èk loto é utiliz plito vélo.

SAK NOU VE FE

- Nou ve fé manière lé pli fasil travèrs dopi la Plaine des Cafres pou d'sann Centre ville Tampon èk in kar **i pass toute lé 15 minut**
- Mèt an plas in kar « à haut niveau de service », in promié létap ki va amène anou fé, dann lavnir , in tram.
Sèk lé gayar, sé ke nora **in kar toute lé 5 minut dann zèr de pwint** é toute lé 15 minut dann zèr krèz antr Bras de Pontho et Terrain Fleury.
- Kré in « **ligne intercommunale** » i pas l'Entre Deux jiska Saint Joseph an pasan par Dassy é Bérive. So kar la va pas toute lé 15 minut ali osi
- Mèt an plas in parking ousa domoun i ging gar zot loto pou alé pran lo kar èk in « Pass relais » . èk sa zot va gingn pran lo kar tout inn zourné pa shèr.
- Fé manière nout bann trotwar lé pli gayar pou ke domoun i marsh a pié i san azot pli alèz é an sékirité.

COMPÉTENCE CASUD

4.

POU KE BANN MARMAY I GINGN IN GADIANM LÉDUKASION !

Lékol piblik i gingn koud kony, alor sèk nou ve sé luté kontr le bann zinégalté dann nout lékol.

SAK NOU VE FÉ



- Garantir Fé manière ke néna au mwin 1 **tati par klas matèrnél** (pou in kontra i dur o mwin in lané) é kré in santral dasha munisipal pou ke tout bann famiy i gingn ashèt bann zéfé skolèr primèr ek ti pri.
- Mèt an plas in plan pou aranj lékol. Plan la va komans dépi la Plaine des Cafres, parské sé in plas ousa la fré i donn paké é ke na pwinn bonpé lisolasyon.. Sèk nou wa sé ke na pli an plis domoun i rèst la Plaine des Cafres, alor nou la parti koz èk bann profèsionèl, é sèk **nou ve sé konstrwi o mwin in lékol la o.**
- Lans in **program i dévlop bann zaktivité périskolèr** lé inportan. Lo pwindvizé sé mèt an lèr in shomin desi la kiltir artistik, sportif, épi koz èk bann marmay dési la tèknoloji linfo-masion ek la komunikasion.
- **Mèt an plas la kantine a 1 loro.** Épi sèk nou rod sé amontré ke dann nout bann kantine, lo bann pèrsonél kominal lé gabié mèt an lèr le manzé lokal é sak lé bon pou la santé.



5.

PO INN VIL SOSIAL É SOLIDÈR

Lo pwindvizé sé fé in vil ki batay jont diskiminasion, i pèrmèt viv dann larmoni, la sékirité, po viv an domounité.

SAK NOU VE FÉ

- Fé konèt koman subvansyon lé desidé po bann zasosiasion. Po sa, na demann domounki vé é ki sra tiré o sor, po travay èk bann desidèr.
- **Batay kont lisolman gramoun** : sa lé inportan po nou. Nou va fé in « lèspas gramoun » ousa nora bann zasosiasion èk ladministrasion. Nou va fé **ankor plis po bann zabitasion intèrgénérasyonèl**.
- Fé in « **centre d'hébergement d'urgence** » po domoun na pwin la kaz .
- **Mié organiz CCAS** po mié èd lo moune dann la prékarité.
- Mèt an plas in **niméro téléfone** po domoun la pèrd in prosh .

**BANN
ZASOSIASION
DANN LA KLARTÉ**



Sélection
des subventions
Citoyens tirés au sort

**AKONPAGN BANN
GRAMOUN**



Création d'un espace
pour accompagner
nos gramouns

**PA LÈS DEMOUN SAN
IN TWA DÉSI ZOT TÈT**



Création d'un centre
d'hébergement
d'urgence

**CCAS PO NI ÈD
DOMOUN**



Déploiement
de dispositifs
de solidarité via le CCAS



6.

LEKOLOGI PO VIV MIEU, POU FE EKONOMIZ NOUT PORTEMONÉ !

Nou vé done in dézièm vi tout zafè nou ve zété, ésa nou apèl sa « la transition écologique et énergétique »

SAK NOU VE FE

- **Nou dévelop lékonomi sirkilèr**, in manière po done travay domoun, domoun i répar sat nou ve zété, la Méri va mèt anplas so bann zatelyé
- **Nou évit gaspiy nout bann resours** kom, kouran, dolo, manzé dan la Komine etc...
- Rann la kour lékol pli doss, **posa nou plante piedboi dan lakour lékol pogingn lonbraz**, nou fé bann zardin kréol osi
- Nou rèst dan lo régloman lo SAR, **nou fé an sorte nou lé paré pou bann shanzman klimatik, traka siklone, la ravine boushé...** Po tousala noufé la prévansion ek domoun...



7.

POU IN SHOMIN VER IN GAYAR KAZ !

Zot té koné ke le Tampon lé le 3zième vil ousa néna le plis demoun i rèst ? Alor, sèk lé inportan sé mèt an lèr le pèp an donan azot in lojman dign é respèktab.

SAK NOU VE FE

- **Rann transparan lo manièr i donn demoun lojman sosio, desu le kota lemèr pou arèt èk la préférans.** Epi sak nou ve osi sé dévlop inn griy ousa ipran an kont lo bann lien familial néna dann nout komine. Ek so manièrfé, nou ve pi i trafik desou la tab, sèk lé inportan po nou sé ke toute le bann sitoyin ke lé tiré o sor i gingn partisipé dann la kréasion lo gry.
- **Néna kom in présion desu lo marshé lokasion la kaz : pou arèt ek sa, nou ve mèt an plas in permi pou ke domoun i loué zot lojman.** Pou fé sa, i fo avan in lotorisation aprè in kontrol la propté, la salubrité dann le bann lokasion privé. Pou le bann lojman sosio, sé fout la présion desu le bann bayèr sosio pou ke le bann lojman néna la propté.
- Nou konstat ke na de pli an plis domoun i vien rèst Tampon pou inn tininstan, é sé pou sa le pri le loyé lé de pli an pli shèr. Nou vé **mèt an plas in dispositif ousa le bann loyé lé ankadré** é ke i rouv in shomin pou ketoute Tamponé i gingn in lojman.
- Utiliz le pouvwar la polis lo mèr **pou pran bann zarété rékizision lo bann batiman vid** é mèt an plas bann « convention d'occupation transitoire ou intercalaire »



8.

MÈT ANLÈR

TOUT KALITÉ SPOR !

Lo Spor sé in gayar zafèr, po gingn viv dan nout sosisiété, pou protèz nout santé, Nou va fé an sorte ke tout domoune i gingn fé lo Spor kikseseo lilé. Tampon sé in vil ou le Spor lé anlèr, na intakon domoune lé gabyié, na bann zandroi po fé spor léla , mé na inbonpé ifo rotapé

SAK NOU VE FE

- Nou done la posibilite bann groupaz domoune lé dan lo kartyé po fé Spor
- Nou romèt an plass bann « challenge inter quartier » po mèt an valèr lo bann moune
- **Tout domoune na lo droi fé lo spor li vé** , kom soval, la danse, moringue, la boxe, spor rakèt, éskrime... Nout lanbision sé konstruir in piscine shofé , kouvèr su la Plaine des Cafres, in sal « d'armes » in sal « gymnastique » ; Nou va aranz détroi santié , nou va galiz ali po gingn fé randoné su lakomine.
- Nou va rod in moyin po trouv la **moné po bann Tamponais i gingn alé bann konpétision d'ann péi déor**



9.

MET ANLER LA KILTIR ; E DETAK BARO PO TOUT DOMOUNE !

La kilkir lé inportan , sé nou, sé nout lidantité, i fé parti nout kotidien, nou rotrov ali dan nout kozé, nout manière pansé, nout manière manzé, nout manière soigne anou, nout manière fér...Po tousala domin dan la méri Tampon, la kiltir nora tout son plass. Kik soi noulé in lartis, in moune dann tourism, in laktèr kiltirèl, nou va dévèlop tousala....Lo patrimoine Tamponais lé inportan nou va tash manière mèt an valèr lo bann zéléman patrimonial dopi la Plaine des Cafres ziska 400 an pasan par tout kartyié Tampon

SAK NOU VE FE

- In pass kiltir po bann marmay maternèl ek primèr komsa l èd lo bann famiy péyé
- **Rofé bat lokèr bann zandrwa kiltirèl** kom Téat, sinéma, épisa fé nèt bann sal répétision, po gingn mèt an plass bann prozé kiltirèl
- Nou romèt lord po in vré servis kiltirèl vivan po tout bann kartyié. Nou va ankouraz la kréasion, in lékol mizik , ek in fanfar minisipal ek inkoral
- Nou va **soutonir bann zaksion kiltirèl** po lo multilinguisme (kréol, anglais, chinois, shi-maoré, indi...)




10.

LA SÉKIRITÉ PO TOUTE DOMOUN !

Pwindvisé lo mèt : la sékirité po toute zabitan la komine.

CE QUE NOUS PROPOSONS

- Mèt dé fwa plis polisié la komine bien formé. Mié péy lo bann polisié. Mèt an plan in pa-trouy la nuite
- **Batayé po ké lo Tampon i devien po vréman inn « Zone Police Nationale »** kom ékridann la lwa. Batay osi po donn la plas bann polisié réyoné k ive kit la Frans ékzagonal
- Fé kanpagn dési déga la drog, lalkol, sigarèt i fé si la santé.
- **Anbosh médiatèr dann somin èk médiatèr la zistis** ke lé formé po èd domoun dann lavi tou lé zour..



VIV AN DOMOUNITÉ O TAMPON PO IN MADAME

Porte atansion bann madame, ti fi, gran fi, sèk i travay, sèk i travay pa, sèk i gingn lo kou, sèk lé malad, sèk lé an situasion andikap. La komine va akompagn toute so bann madame. **Nou va travay dosi 3 pwindvizé.**

PROTÈZ, AKOMPAGN AZOT É AKEY AZOT

- La komine i sar mèt an plas in landrwa po madam 7/7 zour, èk toute lèd la bezwin(matérièl, psikolojik, papié...). Mèt an plas pou zot in gayar pèrmanans ousa zot i san azot ékouté épi an sékirité.
- Po madam èk zanfan i gingn lo kou, akèy azot dann in kaz èksopré. Mèt an plas in lèd arzan, èd azot po trouv in plas gard zot zazakèl. Épi, nou sar èd azot trouv viteman in ravay.

PRÉVNIR, SANSIBILIZÉ, MÈT ANLÈR

- *Dopi tann ti fé in program prévansion*
- *Form bann zanployé munisipal desi*
- *Èt an soutien po bann kanpagn si problèm la*
- *Mèt an plas manifèstasion*

PO PROTÈZ TOU LÉ ZOUR

- Fé konèt lo dispositif « ANGELA »
- Mieu aranj léspas la komine po la sékirité toute demoune
- Form bann polisié su le bann violans séxist é séxsuél
- Fé sign inn « charte d'engagement » ; la komine i dwa èt éxanplèr.
- Mèt an plas la lite kont tout form arsèlman
- Dann travay, batay kont arsèlman : zankèt i sra fé par zorganism indépandan
- Fé konèt lo dispositif « VIOLENTOMETRE »
- Protéksion périodik gratuite nora dann zandrwa i akey piblikic.



FOCUS SUR

PO IN VRÉ TOURISME O TAMPON

Mèt an plas in « Label tourisme otantik »

MÈT AN LÈR PATRIMWANN LA KOMINE : FÉ IN SIRKWI TOURISTIK

MÈT AN PLAS IN LABÉL « TOURISME OTANTIK »

- Èd zaktèr i mèt anlèr la kwizine lontan, lo travay la tèt, lo tradision
- Mèt an plas in vilaj etap Bourg Murat : fé lo lyin Piton des Neiges, Piton de la Fournaise.
- Fé lo lyin èk park nasional ONF, zabitan.

ÈT GRADIEN TRADISION LA KOMINE

- Porte atansion dévlopman Grand Bassin èk Bois Court
- Porte atansion osi bann lokasion po anpèsh konkirans « déloyal ».

LO SOUTIEN LE BANN ZAKTÈR ÉKONOMIK

DÉVLOPÉ É MÈT AN LÈR LE BANN ZONN D'AKTIVITÉ ÉKONOMIK

- Rouv in vwa ke lo zonn aktivité Trois Mares, 14zième é La Plaine des Cafres lé mi an lèr, épi rann ali pli modèrn.
- Mèt an avan lo bann zantropiz lokal, épi sak i fé bann zafèr nouvo pou kee bann sèvis é le bann zinfrastuktur lé pli gabyé.

RANN VIVAN LE SANTR VIL TAMPON.

- Lans inn réunion ousa lo bann komèrsan, zabitan èk profésionèl santr vil i réflèshi ansamn poukosa lo santr vil lé komlilé é koman shanjé.
- Mèt an plas in plan po rann vivan lo santr vil, po ke lo bann boutik i atirplis domoun é pi po mèt an lèr la kiltir anndan la vi

MÈT AN LÈR LO BANN « COMMERCE DE PROXIMITÉ »

- Mèt an plas in fon « de compensation solidaire » pou akomagn lo bann komèrsan lé malizé, i gingn pu ansort azot surtou pendan Florilèj, fèt komèrsial...
- Ankouraj bann zinisiativ koléktiv é mèt an lèr lanimasion ékonomik

PROTÈJ LÉKONOMI TAMPONNAISE É AMÈNN ALI VÈR IN GADIAMB

LAVNIR

- Fé manièr la kiltir, toute sèk i spas desi lékran lé pri an kont pou mèt an lèr lékonomi lo Tampon
- Ranfors lo lyin dirék antr la komine é lo bann komèrsan

MÈT AN LÈR LO SAVWAR FÈR É LO TOURISM OTANTIK

- Soutien é mèt an avan lartizana lokal
- Dévlop lo « label Tourisme otantik » po mèt an avan lo bann batiman kiltirèl ankré dann lo p trimwann é la kiltir lo Tampon

MÈT AN AVAN IN LÉKONOMI RÉSPONSAB É « INCLUSIVE »

- Ankouraj lanplwa lokal é la « transition écologique ». épi mèt anndan la « clause sociale et environnemental » dann lo marshé piblik.
- Fé an sort lékonomi sosial é solidèr lé in pilié po lo dévlopman ékonomik dosin out tèr.

FOCUS SUR

TOURNÉVIRÉ LA ZENÈS EK ZÉTIDIAN

Tampon sé in vil néna in gran liniversité, mé néna rien pobann zétidian, pourtan bann zén-la sé in fors, in nafèr gabyié po mèt anlèr la komine, éksa va gingn dévlop lékonomi é ramène dot zaktèr ékonomik si nout komune...

DÉVLOP LA VI KILTIRÈL PO LA ZÉNÈS DAN TOUT SON GRANDÈR

FAVORIZ LA MIXITÉ SOSIAL (RISH, POV AVEK) (ZÈNE EK GRAMOUNE AN-SANM)

LUTTER CONTRE LA PRÉCARITÉ DANS LA JEUNESSE

- Fé an sorte zot i gingn in rédiksion shé bann komersan Tamponais (10%)
- Kréasion bann plass travay po zétidian (par ékzanp sé ède po fé dovoir lékol, épi animatèr)
- Nou va èd bann zétidian trouv in kaz pli vit , nou va akonpagne azot dan zot démarsh
- Lo kar sra gratwi po tout zétidian si la komune, nou va tash manière dann fin somène mèt in navèt si la bezoi

LE TAMPON, VILLE ÉTUDIANTE

- Nou va fé konèt ke Tampon sé in gran vil étidian dan la zone mé osi lot koté la mèr
- Soutonir lo bann prozé étidian , nou va done azot in moné kom sak kartyié

FOCUS SUR

LO ANDIKAP

Si nou gard bien, zordi lo bann trotwar lé pa adapté, lo bann norme lé pa respékté ; linformasyon é la signalisation ke lé obligatwar dann bann lieu piblik lé pa respékté. Néna bonpé domoun ke i loué in lapartman i gingn pa itiliz lasansèr ou bien sinonsa lo bann zaksé « PMR » malgré lé obligatwar dann bann zimèb néna plis ke 2 zétaj. Na tro lontan lo bann zélu la méri lo Tampon la arèt akonpagn domoun an situsion andikap. Nou sèk nou ve, sé in komine ke i angaj ali vréman èk domoun lé an situsion andikap.

KONSTRWI ANSANM IN TÉRITWAR « INCLUSIF » É KE LÉ AKSÉSIB PO TOUTE DOMOUN.

« La Commission communale pour l'Accessibilité » sra plis inportan dèk nou bèk la klé la méri. Sèk nou ve sé konstrwi in « plan Communal d'Accessibilité » èk lo bann moune i viv so bann tousala. Sé pou sa :

- Nou va mèt an plas bann zatelié ousa toute domounn i gingn partisipé, ousa nou sa fé in ronk kozé an lign po konprann ousa i lé po vréman lo bann difikilté bana i rankontr
- Nou va mè an promié lo bann zaksion ke lé destiné domoun ke i viv an situsion de andikap. Par èxzanp : trotwar adapté...
- Nora osi in kalandrié de « mise aux normes réalisable et public »
- In suivi transparan ke i adapt lo plan èk lo bann vré bezwin. Nou va ékout pou se ke lo bann zabitan i dia nou.

Dann la miz an plas nout bann Kaz 2 Kartié, lo bann zélu d'kartié va fé pas linformasyon épi akonpagn toute domounn ke lé an situsion de andikap vèr lo bann sèvis zot na drwa kom lo andikar, zot bann démarsh pou gingn lalokasion adult andikapé, koman pran lo kar...

RESPEK LO BANN ZAJAN, EK LA GARANTI IN TRAVAY KOM KIFO

La komine Tampon sé lo promyié patron, po dir konbien èl lé inportan , 1000 moune i travay. Na in bonpé lé an CDD, dot an kontra édé, na in ti gigne lé titilèr zot post.

So situasion prékarité i mèt lo bann travayèr dann la pèr, iantrène in travay an kaskasé é lé pa bon po bann

So situasion prékarité i mèt lo bann travayèr dann la pèr, i antrène in travay an kaskasé é lé pa bon po bann

SAK NOU VE FE :

Nou lé pa plis , nou lé pa mwin respek anou, nou lé kapab » Po zot titularizasion nou va mèt an plass in plan formasion po sak léla dopi plis in an. Nou va èd azot ranforce zot bann konpétans profésionèl po zot nir ankor plis gabyié.

Po rann pli gadianm zot kondision travay , nou va prann an kont zot santé, nou va mèt an plass in médiasion ek bann roprézantan personèl, é sindika, nou va fé sa ti bout ti bout aköz sa i pran lo tan, mé nou va rann la Méri pli modèrn dan lorganiza-sion travay, épisa kom po la plipar travayèr koméla zot nora in tiké restoran, é nou va ankouraz azot po la formasion.

Nou va rovoir lo bann tèt dovan po ke zot i réspèk komkifo lo bann travayèr lé sou zot koup.

Po bann travayèr lé portèr dandikap nou va fé an sorte zot lé pa bordé, é zot i dovien plis gabyié kom lézot.

E pou fini nou va forme lo bann travayèr po anpar bann zékli siklone ,zinondasion, lo fé, volkan etc

BIEN-ÊTRE ANIMAL, PO KE NOUT BANN ZANIMO I SAN AZOT BIEN

Nout toute la fine vu ke néna in takonn zanimo ke lé abandoné dann shomin. Lé in vré problèm po nout santé, parske bana i gingn transmèt la maladi bann domoun. Lé osi in problèm po nout sékirité si la rout, dann santié, épi lé pa bon ditou pou nout bann zéspès andémik.

Nout pwindvizé sé ke toute zanimo i san azot bien dann nout komine épousa i fo ranfors lo bann tiktak pou ke toute sitoyin i san azot résponsab, i travay ansanm : la méri, lo bann zasosiasion, lo bann profésionèl é la popilasion.

TIKTAK PO LÉDUKASION, LA « SENSIBILISATION » É AKONPAGN DOMOUN :

- Nora bann dann lékol pou ke nout bann ti marmay èk pli gran marmay i kompran pokosa i fon ou respèk nout bann zanimo èk sèk bana la beswin po viv.
- Mèt an plas in journé « du bien-être animal » èk bann zatelié si ladopsion, lo swin, lo manzé. Pousa, nou nora beswin bann zasosiasion èk bann profésionèl zanimo. Sèk nou ve sé di partou la stérilizasion, « l'identification » lé inportan pou toute zanimo. Nou va fé konèt sa domoun èk zafish, rézo sosio, ronk kozé.
- Mèt an avan lo bann kanpagn stérilizasion
- Kanpagn stérilizasion résponsab
- Kré in léspas pou in tan ousa lo bann zanimo i gingn résté. Sra in lakey lirjans
- « Sensibiliser des propriétaires »

DÉVLOP LAKSION LA KOMINE ÈK LINTÉRKOMINALITÉ POU PROTÈZ NOUT BANN ZANIMO

- Mèt an plas in komité « du bien-être animal » ousa nora bann zélu, bann zasosiasion, bann profésionèl é ousa nora osi bann sitoyin ke i ve partisipé.
- Ékri in shart kominal ousa lo respè po nout bann zanimo lé afishé dann toute landrwa piblik é ke lé signé par toute bann zabitan.
- Kré in laplikasion, èk in site web po di ousa néna bann zanimo ke lé perdu dann shomin, ou si-nonsa sèk la gingn koud kony
- Ranfors la polis munisipal ék lo bann brigad la CASUD. Form lo bann zajan po ke zot i gingn alé shé domoun, mèt lantant, mèt in lamand si bana i respèk p zot bann zobligasion.
- Ranfors la brigad spésial CASUD po kozé dann toute kartié



PO LO SIZAN I ARIV

LA PLAINE DES CAFRES

- Fé in pisine munisipal sofé èk lo CREPS
- Mié itiliz Gran Kiosk èk zabitan Bourg Murat po mètànler lartizana, zaktivité kiltirèl, lo sport ect...
- Fé lianaz èk la mézon Volkan po plis zanimasion, zaktivité
- Monte in kaz intergénérasionèl èk MJC, la kaz 3zièm

TAMPON

- Po déplasman : liézon Bras de Pontho èk Terrain Fleury an kar ki pas par la vil.
- Port atansion piéton èk siklis
- Pwindvizé : déplasman « capsule sur rail »
- Mèt an lien lo bann prodiktèr èk lo bann konsomatèr èk lo prozé « LOKAL »
- Mèt an plas in liézon : St Pierre, Ravine des Cabris èk Pierrefonds.

LE TAMPON 30 KARTYIÉ

a komine Tampon na 30 kartyié in rishés po nou, mé solman li lé pa trété dan légalité po tout domoun, nou ve i arèt èksa. Posa sak kartyié nora in kaz, ou tout domoune lo kartyié va rotrov azot po kozé, po réfléshi si bann prozé, done la min innalot, é pousa zot nora in Bidjé.

Kosa i lé sa ?

In kaz kartyié sé kom in kaz mé li sra rouvèr po tout domoune lo kartyié, kom sa pèrsone sra bordé, tout domoune nora lo drwa partisipé, amène son gabiyé, done son lavi , fé romonte son bezoin. E domoune lo kartyié ek koudmin la Méri va porte lo bann prozé, pousa nou va done azot 10000€ po gingn amène about zot prozé.

Po fini !

Nou ve pi bann zéli i perde de vu bann domoun kan la kanpagne lé fini , zot va rèst à lékout domoune toutan , épousa zot va tonir in permanans dan lo kaz lo kartyié, tan zantan lo konsey minisipal va éspas dan lo kaz kartyié.

Nou va fé an sorte bann partenèr kom « France travail, bann bailleurs sociaux, lo départman, la région... » va amène bann zinformasion dan lo kartyié andirèk.

Ban zasosiasion su lo kartyié nora in plas po fé zot bann zaktivité , la Méri va jèr la logistik.

Nout bann gramoune sra pa oublié nou va èd azot po zot bann démarsh dan lo kartyié mèm. Nou va mèr an plas bann lamizman zot i ème, (domino, aktivité manuel, la danse, bal popilèr).


Sat na problèm po itiliz intèrnèt nou va èd azot, nora in born WIFI dan lo kaz kartyié.

Nou va fé an sorte bann kaz kartyié la lé vivan, va gingn fé la fèt ek bann domoune lo kartyié mèm, nou va mèr an plas bann zanimasion po tout domoune, gran moune, ti moune, nou va fé an sorte zot na la solidarité rant zot, i gingn kass in gazon tan zantan.

Bann kaz kartyié la sra la po mèr anlèr bann zasosiasion kiltirèl, sportif, nou va fé in manière akonpagn osi sat la bezoin sorte dan la prékarité , nou va propoz azot in lèd « socio-professionnel » po amène azot trov in travay poudbon.

Bann kaz kartyié in zoutiy démansipasion, responsabilizasion, koézion po tout in kartyié.

**POUR DÉCOUVRIR L'ENSEMBLE
DE NOS MESURES RENDEZ-VOUS
SUR LETAMPON2026.FR**



NOUT VOIX, NOUT L'AVENIR
PROGRAMME

ÉLECTIONS MUNICIPALES ET COMMUNAUTAIRES - LE TAMPON | 15 ET 22 MARS 2026